

ratores ipsum deducuntur, vocantur hæ naves Lungychuen, quasi dicas draconis vestium naves, eo quod ipsi Imperatori cujus insigne dracones sunt, destinantur: his navibus nihil ego in hoc genere aut pulchrius vidi, aut facile reperiri posse existimo, omnes undequaque deauratæ, rubroque colore depictæ miram ostentant elegantiam, ornamentorum splendore locique dignitate his omnes præfectorum, quas supra enumeravi naves, si forte occurrerint, cedunt.

*Templa
Societatis.*

Sed & aliquod huic urbi recentius ornamentum ab ipsa Societate nostra accessit, duo enim hic Deo dicata habet templa facellumque in colle, cui à S. Michaële nomen est, ipsique Tutelari Archistratego sacrum facellum: quam plurimi in hac urbe jam pridem verum fidei lumen, Deumque agnovere. Septem regit civitates, 1 Kiangning, 2 Kiuyung, 3 Lieyang, 4 Liexui, 5 Caoxun, 6 Kiangpu, 7 Loho.

Montes.

Prope Kiuyung mons est Mao, qui primum felicitatis ac amœnitatis, in Taufu libris, obtinet locum.

Nr mons ad Barrapeliotem est urbis, in eo idolorum fanum est, in quo mille eoque amplius, idolorum statuæ sunt.

Fang mons versus Notapeliotem urbis, vel hoc solo maxime memoratu dignus, quod à Xio Imperatore fuerit perforatus, quo in opere quinque hominum millia defudasse ajunt: audierat enim à montilogis illis impostoribus, quos prosperam adversamve sortem ex montium figuris conjectare alibi diximus, montem hunc alteri futuro Imperatori regnum portendere, eaque de causa, ut fatalem hunc scilicet impediret influxum, montem hunc perforari iussit.

San mons ad Australem urbis partem est, cujus particula Kiang fluvium penetrans compluribus crassis ferreisque catenis circumdata est, ridicule dicunt Sinæ ne aufugiat, at revera, ut navigantes hamis facilius detineant naves, cum enim durissimus sit lapis, vix alio modo allisionem, collisionemque navium impedire possent.

Flumina.

Cienli lacus, sive mille stadiorum, prope Lieyang, continuus est cum lacu Tai.

Extra urbis portam quam Taiping vocant, ad Notolybicum est lacus Hiüenüü, sed parvus.

Tanyang lacus prope Liexui, inde usque ad terminos Taiping civitatis pertingit.

Pelu Insula ad Australem urbis partem in fluvio Kiang, ex eo celebris, quod non ita procul ab hac Insula sub Sunga familia cæsi

fugatique fuerint Australium Provinciarum exercitus.

Changcung Insula prope ipsam urbem. Teuxu Insula parva ad Notolybicum.

Secunda Urbs

F V N G Y A N G.

Y Vüüs Imperator hanc regionem, in qua modo Fungyang urbs est, Provincie Yang adscripsit, illoque Dominium constellationis Teu attribuit: priscis regum temporibus regnum Tuxan dictum, hoc loco fuit, dein reges Çu occuparunt: Hana familia ibidem tributarium iterum regnum condidit Chungli vocatum, non tamen urbis titulo donatus est locus, civitas tantum erat Haocheu dicta. Verum quia sacrificulus ille Taimingæ familie auctor, hujus urbis erat civis, patriam suam maxime nobilitavit, extenso enim longe lateque pomœrio, nova ac fortissima condidit moenia, quæ quinquaginta stadia suo ambitu complent, obscura hæcenus ignobilique avorum suorum sepulchra mire illustravit, apparatuque regio exornavit, magnis superbisque ædificiis civitatem auxit, auctam urbis titulo donavit, proregem illi suum dedit, duodeviginti civitatibus ut jura daret, voluit, primusque eam Fungyang, quod phœnicis nobilitatem sonat, appellavit, demum post regiam nobilissimam instituit: civitates, quibus præest, sunt 1 Fungyang, 2 Linhoai, 3 Hoaiyuen, 4 Tingyuen, 5 Vho, 6 Hung, 7 Xeu, 8 Hokieu, 9 Mungching, 10 Su, 11 Hiutai, 12 Tienchang, 13 So, 14 Lingpi, 15 Ing, 16 Tacho, 17 Hao, 18 Ingxan.

Urbis hujus territorium montibus haud caret, sed & magna flumina illud rigant ac fecundant, unde terax amœnumque habet solum, eo maxime celebre, quod duos ex inquilinis suis, vilissimo loco ac sorte natos, ad summam extulerit dignitatem imperii; primus eorum Lieupangus fuit nomine, qui è latronum cœtu ac sorte emergens Cinam extinxit familiam, atque Hanam condidit. Hic in Boreali hujus territorii parte natus est, haud ita procul à civitate Poi. Alter fuit Chu vilissimus sacrificulus, atque exinde latro, qui mox ejectis Tartaris Sinarum audiit Imperator, ac Taimingam instituit familiam. Ivis quoque Imperator non parum hæc terras nobilitavit, quippe qui in civitate Mao ab Imperatore Yaüo regulus fuerit

*Antiqua
nomina.*

*Urbis am-
pliata.*

*Soli ra-
tio.*

*Viri cele-
bres.*

rit